

MARQUA E PROME Y UNICO ARTISTA LOCAL DI CASA DISQUERA



Actualmente ta na Aruba manera semper durante temporada di carnaval e virtuoso musico local Martin Quandus cu ta residencia na Medellin Colombia. Martin Quandus mihor conoci bao di e nomber artistico MARQUA ta na Aruba especialmente pa duna un man na nos artistanan local. Marqua ta hopi ocupa actualmente cu arreglonan y composicionnan musical pa festival di tumba, tanto pa e tumberito-

nan y hende grandi.

Pa tumba di mucha e tin cuater composicion y siete arreglo. Pa e festival di tumba grandi e tin tres composicion y cinco arreglo. Marqua ta haya ta un lastima cu e aña aki tin un gran vacio den nos festival di tumba. Hopi di e tumberonan cu tur aña ta duna un fuerte competencia no ta competi.

E ta kere cu mas bien pa motibonan di tur e problemanan cu a surgi na comienso di carnaval. Mar-

qua semper tabata ser considerado como e rey sin corona. Na tur ocasionnan cu e la participa e la logra di cay den e finalistanan. Aunke cu e no tabata tin e suerte nunca di ser rey di tumba, tog como compositor y arreglista e tin tumbanan ganador clasico cu a keda pa historia, e.o. "Color y fantasia", "Hiep Hiep Hoera" y "Carnaval bon bini" ta tumbanan inmortal canta pa Ito Dania.

Ainda fresco den nos memoria nos por corda con e publico ta warda anciosamente pa e momento cu marqua bay presenta su tumba, pasobra semper e la sabi di bin cu tumbanan di caliber cu tabata cay na agrado di un y tur, manera: "Bon Bon", "Ban dreña den", Waya bo brasa y e tumba comico "Tambu lo ronca" conoci como "Shunga Shunga". Na aña 1980 Marqua a bay graba un single "TRISTE RECUERDOS" na e casa disquera "Disco's Victoria" na Medellin Colombia.

E single aki a impresionar a doño di e disquera asina tanto

cu e tabata puntra con un cantante di otro pais por ta asina meti den e musica di Colombia. Mesora un contract a wordo ofreci pa tres aña, y asina e porta internacional a wordo habri pa e genio musico local aki.

Segun Marqua e tres añanan aki tabata e temporada mas exitoso den su carera artistico, pasobra e la resulta cu e single "TRISTE RECUERDOS" den e ranking di e revista internacional mas prestigioso "BILLBOARD".

Esaki por ser considera como e prome y te ainda e unico artista Antillano cu a logra e hazaña aki. Pa Marqua e cancion aki ta e cancion mas exitoso y inolvidable pa su persona y dia cu e fayecé su deseo ta pa nan toca e cancion aki durante su entierro. Aunke cu nunca e no a bay un conservatorio pa musica, e ta considera cu su talento ta un Don di Dios. Den su 12 aña como artista internacional e la traha cu varios sellos di renombre manera VICTORIA, FUEN-

TES, COL-MUSICA, y actualmente e ta trahando cu e

sello RODVEN, cual ta e sello mas renombra den henter Latino America. E diferencia ta ora bo ta traha pa un casa disquera, ta cu nan ta

pagabo pa graba mientras cu un otro artista of grupo mester paga pa nan produccion worde graba.

Aunke cu e ta residencia na Medellin Colombia, toch semper e tin produccionnan pa nos artistanan local pa e.o. festividadnan pa dia di Mama, dia di Tata, navidad y aña nobo. Pero pa temporada di carnaval si semper e kier ta presente personal pa celebra y alavez duna nos musiconan un man. Pa tur esnan cu kier un produccion pa cualkier ocasion por tuma contacto na tel: 36033 of 76033.

DEN AMBIENTE a keda sumamente contento di a ricibi un single di RODVEN produci pa nos GENIO musico MARQUA como un gesto.

"EQUAL RIGHTS", PA MIGHTY TALENT

DEN AMBIENTE ta brinda su fiel lectoran e foto historico aki tuma for di e ultimo ABC tumba contest den RCA aña pasa. Manera semper nos huradonan tabata bon hende te di mas, y e huradonan di Curacao a probecha y a laga tur e tumberonan di Curacao bay cu e premianan. Esaki naturalmente a cay den mal terra serka nos tur di Aruba, y Joy kock presidente di ASOMA corectamente a stop cu e contest aki. Maske cu tur e premianan a bay Curacao, tog ningun di e tumberonan di Curacao por a lanta un

publico den tur e ABC contestnan cu Migty Talent tabata e guest star. No ta na Aruba so Migty Talent a yega di lanta un publico manera e foto aki ta mustra, pero tambe na Curacao na dos ocasion durante ABC contest dilanti di mas di diezmil alma y tambe miyones di televi-dentenan cu tabata sigi e transmision, transmiti en-vivo pa CSS. Den tur su presentacionnan e la sabi di pone e publico hisa man, sak abao, hisa dede y enfin pone nan den un ambiente manera e so por. E tin un Don di Dios pa


domina un publico manera e kier y laga nan goza so. Na Curacao, Bonaire, y St.Maarten e ta gozando di un popularidad grandisimo. Tambe serka e turistanan na Talk of the Town caminda e ta entretenen cu su voz unico riba piano, e ta hopi gusta y ker. Tin un dicho ta bisa cu bo no por ta rey riba bo mes un lugar. DEN AMBIENTE por a compronde cu

algun musico ta para ariba pa cambia regla pa asina e no por participa como e ultimo participante. DEN AMBIENTE no ta haya ta na su lugar pa cambia un regla cual ta existi y ta un tradicion pa añanan largo caba, anto den comienso di Carnaval. Mes-cos cu Migty Talent a bringa pa gana y disfruta di e regla aki, anto un otro tambe mester bringa pa gana y dis-

fruta pa ta e ultimo participante. Awor ta keda e pregunta si MIGHTY TALENT tabata forma parti pa un di bandanan grandi e regla aki a wordo cambia tog ???. Pakiko no a cambié ora e tabata forma parti pa tur esnan cu e tabata forma parti prome ????. Makaku sa cua palo e ta subi. Esaki ta opinion personal di DEN AMBIENTE.



E bebida
yen di energia
pa grandi
y chiquito



Agente:
LICORES ARUBA N.V.